

تدبر سورة طه - 8 - مشاهد من يوم القيمة تغير حياتك - م علاء

حامد

علاء حامد

الحمد لله واصعد ان لا الله الا الله وحده لا شريك له واصعد ان محمدا عبده ورسوله صلى الله عليه وسلم. ثم اما بعد. فبفضل الله سبحانه وتعالى هذا الدرس الثامن آآ في مدارسة هذه السورة المباركة العظيمة - [00:00:00](#)

سورة طه آآ كنا المرة الماضية اتكلمنا على آآ درس كان بعنوان كيفية مواجهة الفتنة ازاي الانسان يواجه الفتنة وآآ اتكلمنا في قواعد في مواجهة الفتنة آآ ازاي الانسان ممكن يقع في فتنه - [00:00:17](#)

او ازاي الانسان ممكن يخرج من الفتنة من خلال اه مناقشة اه قصة اه موسى عليه السلام مع السامری اللي حضر معنا. يمكن اتكلمنا في النقط ديت بالتفصيل اه الدرس هينزل اه قريب بازن الله سبحانه وتعالى وغالبا بقية الدروس موجودة دلوقتي في اه على اليوتيوب اه في سلسلة اه تدبر - [00:00:36](#)

سورة طه فنائل الله سبحانه وتعالى يعني ان ينفعنا وان يعلمونا اللهم اشرح لي صدري ويسر لي امري وحل عقدة من لسانني يفقه قوله. احنا توقفنا عند الاية رقم تسعه وتسعين. كالعادة بنبدأ بقراءة الايات ثم نستعين بالله سبحانه وتعالى - [00:00:56](#)

ونتوكل عليه في آآ استخراج آآ الفوائد اه نسائل الله سبحانه وتعالى اه ان يوفقا لما يحب ويرضى اعوذ بالله من الشيطان الرجيم كذلك نخص عليك من انباء ما قد سبق - [00:01:15](#)

وقد اتبناك من لدنا ذكرنا. من اعرض عنه فإنه يحمل يوم القيمة وزرا خالدين فيه وسأله يوم القيمة حمل يوم ينفح في الصور ونحضر المجرمين يومئذ زرقة يتخفتون بينهم ان لبئتم الا عشرة. نحن اعلم بما يقولون اذ - [00:01:40](#)

يقول امثالهم طريقة الا يوما. ويسألونك عن الجبال فيذروا قاعا صفصفا لا ترى فيها عوجا ولا امتا. يومئذ يتبعون الداعي وخشعت الاصوات للرحمن فلا تسمع الا همسا يومئذ لا تنفع الشفاعة الا من اذن له الرحمن وضي له قوله - [00:02:21](#)

يعلم ما بين ايديهم وما خلفهم. ولا يحيطون به علم. وعنت الوجوه للحي القيوم. وقد خاب من حمل ظلما. ومن يعمل من الصالحات وهو مؤمن فلا يخاف ظلما ولا هم. وكذلك انزلناه - [00:03:13](#)

وصرفنا فيه من الوعيد لعلهم يتقوون او يحدث لهم ذكرها. فتعالى الله الملك الحق. ولا تعجل بالقرآن اني من قبل اي قضى اليك وحي وقل رب زدني علما. رب زدني - [00:03:43](#)

علما اسأل الله سبحانه وتعالى ان يزيدنا واياكم علما يا رب العالمين بدأت الايات الكريمة من سور الطه هذه المرة. بقول الله تعالى كذلك نقص عليك من انباء ما قد سبق - [00:04:13](#)

وهذه البداية يعني آآ ليست تحصيل حاصل كما يقولون يعني مش ربنا قص قصة موسى ثم يقول يعني آآ ها نحن نقص عليك القصص. ولكن هناك مغزى عظيم من آآ ذكر هذا الكلام. لانه سيأتي بعد ذلك قوله تعالى وقد اتبناك - [00:04:30](#)

من لدنا ذكرى يعني الكلام على القرآن. فهذا الموطن انما هو استدلال لطيف على ان القرآن كلام الله وان محمد عليه الصلاة والسلامنبي مرسل من عند الله تعالى. لماذا؟ لأن هذه القصص التي آآ - [00:04:50](#)

والله تعالى على النبي عليه الصلاة والسلام. آآ لم يكن شاهدا فيها ولم يكن حاضرا فيها. فكل قصة آآ اه قالها النبي عليه الصلاة

والسلام من قصص اهل الكتاب هي حجة له عليه الصلاة والسلام ودليل على نبوته. وما كت - 00:05:10
جانب الغربي اذ قضينا الى موسى الامر وما كت من الشاهدين. ولكن انساناً قررنا فتطاول عليهم العمر. وما متساوياً في اهل مدين
تلو عليهم اياتنا ولكننا كنا مسلمين. دايماً ربنا يربط بين الموضوع ده وبين الرسالة. في مسالا في اخر قصة - 00:05:30
في سورة البقرة. قال تعالى تلك ايات الله تلواها عليك بالحق. وانك لمن المرسلين. وقال تعالى وما كت لديهم اذ اجمعوا امرهم وهم
يمكرن في قصة يوسف وما اكتن الناس ولو حرصت بمؤمنين ربط بين القضية وبين الايمان. فكل هذه القصص هي دالة على -

00:05:50

بصدقه ونبيه عليه الصلاة والسلام. ليه ؟ لأن القصص ديت آآآ النبي عليه الصلاة والسلام ممكن يجيها منين ؟ عندنا عدة احتمالات
الاحتمال الاول ان يكون النبي عليه الصلاة والسلام آآآ تعلموا من اهل الكتاب مباشرة. وهذا لا يمكن لأن النبي - 00:06:13
عليه الصلاة والسلام لم يثبت انه لقي احداً في العهد المكي طبعاً من اهل الكتاب الا ما كان من ورقة ابن نوفل اللي هو قريب خديجة
رضي الله عنها وارضاها لما حصلت اول لقاء مع جبريل زهبت بالنبي عليه الصلاة والسلام الى ورقة ابن نوفل وارقى ابن نوفل كان
رجل تنصر في الجاهلية - 00:06:33

يا وقرأ في كتب اهل الكتاب والعجيب ان ورق ابن نوفل شهد له بالرسالة وخبره ان الذي حصل له هو الذي حصل لموسى عليه
السلام السلام الحادثة الثانية وهي وان كانت ضعيفة يعني هو لما النبي عليه الصلاة والسلام وعنه انتشر سنة خرج في رحلة مع ابي
طالب الى الشام - 00:06:53

فلقي هنالك بحيرة الراهب. وآآآ قصة ضعيفة ولقاوه ببحيرة راهب كان مجرد دقائق معدودة. وفي الرواية ان بحيرة اعليه علامات
النبوة وبرضو شهد له بالرسالة. يبقى المسألة دي مش ممكن - 00:07:13
المسألة الثانية ان يكون النبي عليه الصلاة والسلام تلقاها من آآ هو نفسه قرأ عليه الصلاة والسلام في كتب اهل الكتاب وهذا ايضاً
مستبعد. لعدة اسباب. منها ان كتب اهل الكتاب اصلاً لم تكن وقتها باللغة العربية. وانما كانت - 00:07:29
سيريانية وابل ترجمة لهذه الكتب كانت بعد مائة عام من وفاة النبي عليه الصلاة والسلام. الامر الثاني ان النبي عليه الصلاة والسلام
اصلاً لا يقرأ ولا يكتب حتى باللغة العربية. وآآ كما قال النبي عليه الصلاة والسلام لجبريل في اول لقاء لما قال له اقرأ - 00:07:52
قال ما انا بقارئ. وقال الله تعالى وما كنت تتلو من قبله من كتاب ولا تخطوه بيمينك. اذا المبطلون. فالنبي عليه الصلاة والسلام لم يكن
يقرأ ولا يكتب عليه الصلاة والسلام. وهذا الامر ليس - 00:08:12

سفيه عيب يعيي النبي عليه الصلاة والسلام. بل عامة العرب في ذلك الوقت كانت لا تقرأ ولا تكتب. اه وهذا الامر لا يعيي عليه الصلاة
والسلام. ليه لأن المطلوب من القراءة والكتاب ايه يا جماعة؟ مطلوب القراءة والكتابة توصل الى العلم. طيب اذا كنت انا بوصل للعلم
بطريقة ثانية يبقى انا مش محتاج القراءة والكتابة - 00:08:32

وكانت العرب فيما مضى تعتمد في تلقي العلم على الحفظ والمشافهة. ولم تكن تعتمد على القراءة والكتابة. فلذلك كانت الامية في
زمانهم ليست بعيوب. ممكن تكون الامية في زماننا عيب. لأن احنا معتمدين على القراءة والكتابة في تلقي العلم. واما في هذا العصر لم
تكن - 00:08:52

القراءة والكتابة هي المعتمد عليها في تلقي العلم. بل كان الحفظ والمشافهة. فلذلك يعني كان النبي عليه الصلاة والسلام رغم انه لا
يقرأ ويكتب كان اعلم الناس عليه الصلاة والسلام وكذا كان يعني سائر العرب. فدي مهمة لأن بعض الناس بيبقى عايزيني
الموضوع ده يقول لك لأ ما تقولش النبي عليه الصلاة والسلام - 00:09:12

امي ليه؟ لأن كده انت بتتقنده لأ هذا ليس انتقاد منه بل هو مزية له عليه الصلاة والسلام. لانه لو كان يقرأ او يكتب لكن هذا يقدح
في رسالته زي ما ربنا قال وما كنت تتلو من قبله من كتاب ولا تخطوه بيمينك اذا لارتات المبطلون - 00:09:32
عامة قصص القرآن التي آآ فيها اخبار اهل الكتاب. آآ هذا فيه فيه اكبر دليل على صدق النبي عليه الصلاة والسلام ان اهل الكتاب ما
انكروش شيء من هذه القصص ولا يستطعون - 00:09:53

تمام يبقى اذا قول الله تعالى كذلك نقص عليك من انباء ما قد سبق. دي جاية كده مش ايه؟ مش مش تحصيل حاصل. مش ربنا مسلا حاجة قصة وبعد كده بيقول له احنا بنخض عليك. لا. كل كلمة في القرآن - 00:10:08

لها دلالة عايزة تفكر تعمل دماغك هو ليه ربنا قال دي هنا بالزات الله هنا لان هو سياتي الان بيستدل بها على ان القرآن وحي وان النبي عليه الصلاة والسلام صادق وحق - 00:10:23

قال كذلك نقص عليك من انباء ما قد سبق وقد اتبناك هي دي الفكرة وقد اتبناك من لدنا يعني مين عندنا ليس اختراعا منك ليس من الشياطين بل من لدن ذكري يعني القرآن - 00:10:37

وسوى الله سبحانه وتعالى القرآن ذكر هي اصلاً ذكر يعني ايه ذكر تحتمل معانيين اساسيين. المعنى الاول اللي انت فهمته وهو التزكرة والموعزة ان هزا القرآن ذكري يعني يتذكر به الانسان ويتعذر. كيف يتذكر ويتعذر بان الله سبحانه وتعالى ذكر فيه نعمه سبحانه وتعالى. ذكر فيه قصص الاولين - 00:10:56

عاقبتهم. ذكر فيهم مصارع الزالمين ذكر فيه آمالات المتقين. ذكر فيه سبحانه وتعالى الجنة والنار والترغيب والترهيب وأسمائه وصفاته واحوال المؤمنين وغير ذلك مما يعتبر به الانسان ويتعذر - 00:11:22

فدي دي ده المعنى الاول لكلمة ذكري. المعنى الثاني وهو ذكري يعني شرفا. شرفا لان الذكر يأتي بمعنى الايه؟ الشرف. يقال هزا الشخص له ذكر يعني له شرف وده ممكن نستدل عليه بقول الله تعالى في سورة الانبياء - 00:11:42

لقد انزلنا اليكم كتابا فيه ذركم. افلا تعقلون وقوله تعالى وانه لذكر لك ولقومك. يعني شرف لك ولايه؟ ولقومك. فذكر تأتي بمعنى التزكرة والموعزة بمعنى ايضا الشرف تمام؟ فلا تعارض هنا بنسمه بنسمه ده خلاف ايه؟ فاكرين لما اتكلمنا قبل كده على انواع الخلاف؟ ده خلاف في التفسير دلوقتي. ده اسمه خلاف ده اسمه - 00:12:06

وخلاف تنويع. خلاف تنويع. يعني ايه خلاف تنويع؟ يعني ما فيش تعارض اصلاً. مش لازم ارجح. اقول كل المعاني صح. ما فيش تعارض ما انما يحتاج ارجح امتى؟ لما يبقى الخلاف خلاف تضاد - 00:12:36

صحيح بل احيانا التنوع ده بيكمel بعضه. يعني لما كل معنى بيكمel الثاني علشان في الآخر اجمع المعاني بطريق بصورة متكاملة. لكن عند تعارض هو ده اللي يحتاج فيه بقية اقول مين الراجح والكلام دوت. لكن هنا خلاف تنويع ما في مشكلة لو قلنا الذكر عن التزكرة ما حدش يجي ما حدش يقول طب ايه المعنى الصح؟ لا الاثنين صح - 00:12:51

والاثنين مش متعارضين والاثنين بيكملو بعض. لانه فعل القرآن موعدة وتزكرة وفي نفس الوقت هو شرف لنا. هو شرف لنا. واعلم ان شرف المؤمن قيامه بالليل يعني بالقرآن طبعاً. تمام - 00:13:12

طيب قال تعالى وقد اتبناك من لدنا ايه؟ ذكرنا. من اعرض عنه فإنه يحمل يوم القيمة وزرع. من اعرض عنه. يعني من جعله وراء ظهره. من سمعه وبلغه ثم اعرض عنه. عشان كده ربنا قال من اعرض عنه واحد بالك. لان احنا مش بنتكلم هنا عن الذي لم يبلغه القرآن. اما الذي لم يبلغه - 00:13:26

القرآن او لم تبلغه الرسائلات فده له شأن تاني. لكن بنتكلم عن من بلغه. لذلك قال الله تعالى لاذركم به ومن بلغ ليذركم به ومن بلغ فبلغ الرسالة شرط لايده؟ للمواحدة والحساب - 00:13:53

وما كنا معذبين حتى نبعث رسولاً. لكن الاعراض دليل ان الامر بلغك. لكن انت الذي اعرضت. لا تزيد ان تسمع. لا اريد ان افهم. لا اريدك ان تقرأ علي كحال الايه؟ المشركين. وآآآ بل اكثريهم آآآ معرضون. فكانوا يعرضون عن سماها الايه الذكر. فازا كان الانسان - 00:14:09

جاهل بسبب انه اعرض فدوات لا يعزز عايزيين مسألة مهمة جداً. ما هو الجهل المعتبر؟ يعني ايه هو الجهل اللي اقول ان صاحبه معذور بالجهل احفزوا الكلمة دي. الجهل الذي يعزز صاحبه هو الجهل الناشئ عن عدم البلاغ. الجهل الناشئ عن - 00:14:29

قدم البلاغ. يعني اصلاً ما بلغوش الموضوع خالص. اما الجهل الناشئ عن الاعراض فهذا جهل غير معتبر يعني واحد بلغه الحق وهنقول له هنقول لك الحق وهذا القرآن فيه حق اسمعنا عايزيين نقول بتاع يسد ودانه ويعرض ويحط الثياب على دماغه ومش عاييز - 00:14:51

ولا يفهم نقول لو جهل بعد ذلك هذا الشخص نقول جهلك غير معتبر. ان انت جهلك لم لم ينشأ عن عدم بلاغ. وانما نشأ عن ايه؟ آآ انما نشأ عن اعراض. انما نشأ عن ايه؟ عن اعراض. عشان كده ربنا قال من اعرض عنه فانه يحمل يوم القيمة - [00:15:12](#)

نـسـأـلـ اللـهـ السـلـامـةـ وـالـعـافـيـةـ. وـالـوـزـرـ فـيـ الـلـغـةـ تـأـتـيـ بـمـعـنـىـ الـحـمـلـ التـقـيـلـ وـتـأـتـيـ فـيـ الـقـرـآنـ بـمـعـنـىـ الـاـثـمـ. الـاـثـمـ فـتـطـلـقـ عـلـىـ الـاـسـمـ الـاسـمـ يـسـمـىـ وزـرـ وـرـبـنـاـ سـمـىـ الـاـسـمـ يـبـيـنـ يـعـنـىـ يـعـدـاـةـ - [00:15:32](#)

وهول حال اصحاب الاثام يوم القيمة. كما قال تعالى ولا يحملن اثقلهم. واثقلا مع اثقالهم يسألون يوم القيمة عنم كانوا يفترون وقال تعالى لا تزر وازر وذر اخرى. ما حدش هييشيل شلة حد - [00:15:52](#)

الوزر والحمل اه من اعرض عن القرآن فانه يحمل يوم القيمة وزرا وجاءت كلمة وزرا هنا نكرة للتعظيم يعني وزرا عزيما هائلا قال تعالى ومن يكفر به من الاحزاب فالنار موعده. نـسـأـلـ اللـهـ السـلـامـةـ وـالـعـافـيـةـ. عـشـانـ كـدـهـ رـبـنـاـ قـالـ بـعـدـهـ وزـرـ - [00:16:13](#)

خالدين فيه وسأله يوم القيمة حملها. يعني يا له من حمل سيء لا يعني يرضى احد يوم القيمة ان يحمله ولكن هيهات لا يوجد اختيار في ذلك اليوم وآآ في هذا اليوم آآ الله سبحانه وتعالى يقيم العدل - [00:16:37](#)

وان تدعوا مثقلة الى حملها لا يحمل منه شيء ولو كان ذا قربى وان تدعوا مثقلة الدنيا يعني واحد شايل حمل تقبيل بيقول للناس شيله يعني ما في احد هييشيل شيلة حد. وان تدعوا مثقلة الى حملها لا يحمل - [00:17:01](#)

شيء ولو كان ذا قربة لو اقرب الناس لك وقلت له يعني خذ مني سيئة واحدة. يقول والله لا اخذ منك شيئا. نفسي نفسي الانسان يا اخواني من الان لا تعمل لارضاء احد - [00:17:21](#)

ولا تجعل للناس قدرها وانما ليكن عملك لله تعالى فان اقرب الناس اليك لو عرضت عليه يوم القيمة سيئة واحدة والله ثم والله لن يرضى ان يحمل عنك سيئة واحدة ولو كان من اهل الجنة - [00:17:36](#)

فععش في الدنيا ترضي الله سبحانه وتعالى. وارفع شعار وعجلت اليك ربى لايهد لترضاها لترضى. خالدين فيه نـسـأـلـ اللـهـ السـلـامـةـ وـالـعـافـيـةـ وـسـأـلـهـ لـمـ يـعـدـ اـعـرـاضـ اـعـرـاضـ اـعـرـاضـ كـاـمـلـ عـنـ الـقـرـآنـ - [00:17:52](#)

اعرض اعراض كامل عن القرآن عن الكافر بالقرآن. مش اعرض مسلا عن يعني مسلا واحد ايه اعرض عن حاجة جزئية مسلم بس يعني بيعرض شوية يعني مش عايز يعرف كذا ما تكلمنيش في الدين. مش مش هيبقى زي الكافر. يعني هو ده مسلم لكن احيانا بيعرض عن بعض الاهيده عن بعض الاحكام الشرعية لان هو - [00:18:12](#)

لسه مش قادر يتلزم بها وبتابع. مش هنقول فيه دوت ان هو خالد. لكن له نصيب من العتاب او دائمًا قاعدة ان اي حاجة ربنا زم فيها الكفار لو مسلم وقع في جزء منها فله النصيب من هذا الزنب - [00:18:32](#)

يعني ربنا زم الكافر الذي يعرض عن القرآن تماما. تمام طيب المسلم اذا اعرض عن شيء من القرآن اني سامع الايات اللي بتتكلم عن الربا سواء الايات اللي بتتكلم على - [00:18:49](#)

على غدة البستر فهو مش عايز يعرف عشان هو الموضوع ده يا جماعة تقبيل علي مش مش عايز التزم به. يقول انت لك نصيب من العتاب. لان - [00:19:01](#)

ربنا عاتب الكافر المعرض عن القرآن بالكلية وانت الان تريدين ان تعرض عن شيء من الاحكام ولك نصيب من العتاب. ولكن طبعا آآ اذا كان مسلما راضيا بالله ريا وراضي بالقرآن. لكن اعراضه هنا مش مش بغض للقرآن. ولا - [00:19:11](#)

وهي لما انزل الله الا يكون كافر. لكن اعراضه هنا اه لانه يعني هو عايز يتبع هو اه ومش قادر مش قادر يتلزم حاليا بالاحكام ديت فنقول لك نصيب من الزنب لان الله سبحانه وتعالى زم من اعرض عن ايه؟ عن كتاب الله سبحانه وتعالى. طبعا يكون اثم. لان الله سبحانه وتعالى قال استجيبوا لله ولرسول ازا - [00:19:28](#)

دعاك لم يحييكم. تمام؟ آآ طبعا هنا بتتكلم عن عن الشخص الذي لا يبغض الشريعة ولا يكره القرآن. فازا كان مسلم وهو يبغض احكام الله سبحانه وتعالى نقول لست بمسلم - [00:19:50](#)

لست بمسلم. قال تعالى ذلك بانهم كرهو ما انزل الله فاحبط اعمالهم. فمن كره ما انزل الله سبحانه وتعالى اه لو كان لمنفعتك فبيتعمل
ولا يحيط عمله الا اذا سفر تمام خالد بن فيه وساع لهم يوم القيامة حملها. ثم قال احلا في عالا - 00:20:03

و لا يحيط عمله الا اذا سفر تمام؟ خالدين فيه و ساء لهم يوم القيمة حملها. ثم قال جل في علاه - 00:20:03

يُنفخ في الصور وتحشر المجرمين يومئذ زرقاً. نسأل الله السلامة والعافية. يوم ينفح في الصور. هنا ربنا يوم القيمة. احنا كده بنطلع طالعة ينتهي النقلة تانية خالص. خد بالك دي طريقة القرآن. طريقة القرآن انه بينقلك من قصة الى يوم القيمة ثم الى حكم

شرعي ثم الى يوم القيمة ثم

وتعود الى قصة نوع من التنوع عشان كده هيأتي في في الصورة معنا النهاردة آآ قال سبحانه وتعالى وكذلك انزلناه حكماء عربيا
وايه؟ وصرفنا. صرفنا فيه من الوعيد. يعني ايه صرفنا يعني؟ نوعنا - 00:20:46

على فيه. فالاتج نفسك بتعز بموعزة. وبعد كده ياتي ذكر يوم القيمة. بعد كده تلاقي قصة ادم ترجع لك تاني. بعد كده يوم القيمة تاني. وبعد كده اه ربنا يذكر - 00:21:03

ترغبي وكتراهيب هكذا لان ربنا اعلم بما في النفوس. النفوس يعني تأتي بالتنوع مش كل واحد يناسبه كل حاجة. فيه واحد ياتي بالترهيب واحد ياتي بالترهيب. واحد ياتي بالقصة واحد ياتي - [00:21:13](#)

بالترهيب واحد يابي بالترهيب. واحد يابي بالقصه واحد يابي - ٠٠:٢١:١٣

بالامر المباشر القران يناسب الایه ؟ يناسب الجميع . وفيه ايضاً ربط دايماً تربط اللي انت بتعمله بالآخرة على طول بمعنى ان ربنا يذكر مسلا آآ امر معين اه ايات الريا مسلا . فيا ايها الزين امنوا اتقوا الله وزروا ما بقي من الريا ان كنتم مؤمنين . فان لم تفعلوا فازنوا بحار

من الله ورسوله ان تبتم فلكم رؤوس امركم. لا تظلمون - 00:21:25

ظلمون وان كان ذو عسرة فنظره الى ميسرة. وان تصدقوا خير لكم ان كنتم تعلمون. ثم تلاقي نفسك مرة واحدة ايه؟ واتقوا يوماً ترجمون فيه الى الله ثم توفى كل نفس ما كسبت وهم لا يظلمون. هذه الطريقة القرآنية مهرة - 00:21:49

ترجعون فيه الى الله ثم توفي كل نفس ما كسبت وهم لا يظلمون. هذه الطريقة القرانية مبهرا - 00:21:49

كزا والمادة كزا بتنقول كزا بتقول كزا وخلاص ده صبح وده غلط - 00:22:06

کزا والمادة کزا بتقول کزا بخلاص ده صح وده غلط - 00:22:06

لكن طريقة القرآن ليس لها مثيل في أي قانون وهو ربط دائم القانون بالاثر الاخروي وبهذه الطريقة تتحرك افئدة المؤمنين وتفاعل مع القانون لانها علمنا ان التزامها بهذا القانون يؤثر على الاخر - ١٩:٢٢:٠٥

مع القانون لأنها علمت أن التزامها بهذا القانون يؤثر على الآخرة - ١٩:٢٢:٥٥

من قصة سيدنا موسى هنخش جوة الاخرة ليه؟ هنشوف بقى عاقبة الظلم وعاقبة الظالمين وعاقبة المتقين وهنشوف احوال يوم وطريقة القران مبهرا دائمأ ما يعرض الموضوع بيربط دائمأ الآيه؟ الامر بالآخرة والقصة بالآخرة عشان كده تلاقينا مرة واحدة طلعننا

القامة. عشان تربط يق، السامي وفرعون و بتاع ابه الله، هحصل فيهم - 00:22:37

وبعد كده نرجع تاني للأساس بقى من اول ادم. ها ايها المسلم الذي سمعت عن هذه القصة وشفت عاقبة موسى وشفت عاقبة فرعون السمرى وشفت يوم القيمة. تعالى نفكرك بقى من الاول - 00:22:57

السمري وشافت يوم القيمة. تعالى نفكرك بقى من الاول - 00:22:57

وايه القصة من الاول ؟ ايه الحكاية من الاول ؟ علشان ندي لك الواجب . لا دا القصة اولها ادم وكان اولها الشيطان وكان اولها عداوة .
واننت نزلت والموضوع كان فيه اختبار نخش في اختبار تاني وبعد كده في هدى نزل من اتبع هداي فلا يضل ولا يشقى . وبعد كده
هدي لك الواجبات بقى يعني آآ وامر اهلك بالصلوة - 00:23:07

واصطبر عليها لا نسألك رزقا وتلقي الصورة خلصت معك فانت هتطلع من يوم القيمة هترجع لاصل في القصة وبعد كده تخش في الواجبات. وبعد كده تخش في الآخر ايه المطلوب مني وتلقي الصورة قفلت على كده. شيمه مهر - 00:23:27

الواجبات. وبعد كده تخش في الآخر ايه المطلوب مني وتلقي الصورة قفلت على كده. شيء مبهر - 00:23:27

شيء موبأ سياق موبأ انت ماشي ومنبه قال تعالى يوم ينفق في الصور ونحشر المجرمين يومئذ زرقا. السور هو يعني الشيء الذي السور كما اه عليه الصلاة والسلام السور هو الایه؟ هو البوق الذي ينفح فيه - 00:23:39

السور كما اه عليه الصلاة والسلام السور هو الایه؟ هو البوق الذي ينفح فيه - 00:23:39

اسرافيل عليه السلام. واسرافيل هو المالك او القرن الذي ينفح فيه اسرافيل عليه السلام. واسرافيل هو ملك موكل بالنفح في الصور
كمدة عذابة قدر اهل اسرافيل اذ ينفح في النافخة الالام التي تحيط بالليل حمما في محنته - 09:24:00

كده عنایة قرن امر اسرافيل ان ينفح فيه النفحة الاولى التي يصعق فيها الناس جميعا فيموتون - 00:24:09

سم بعد ذلك باربعين ينفع نفحة سانية يبعس فيها جميع الخلائق ونفع في الصور وصعق من في السماوات ومن في الارض الا من

شاء الله ثم نفح فيه اخرى سيدهم قيام ينظرون - 00:24:36

يوم ينفح في الصور قال النبي عليه الصلاة والسلام كيف انعم وقد التقم صاحب القرن القرن يوشك ان يؤمر وقال الصحابة فماذا تأمننا ان نقول قال قولوا حسبنا الله ونعم الوكيل. حسبنا الله ونعم الوكيل - 00:24:52

شوف المعنى الرقيق ده. النبي عليه الصلاة والسلام بيقول ايه انا ازاي ازاي يجي لي نوم وازاي اتلرز بشيء من الدنيا واسرافيل عليه السلام قد احنى جبهته ونظر الى الله سبحانه وتعالى ينتزr ان يؤمر. يعني هو كان الاول قبل بعثة النبي عليه الصلاة والسلام كان هو مش مش منتظر الامر. اول ما بعث النبي عليه الصلاة والسلام خلاص ده اخرنبي - 00:25:21

فاسرافيل الان احنا جبهته وينتزر الان امر الله سبحانه وتعالى ان ينفح في الصورة. لأن خلاص ده اخر النبي يبقى اكيد المرحلة اللي بعد كده هي النفح في الصور. فيبيقول انا ازاي اتنعم - 00:25:44

شيء من الدنيا واسرافيل سينفح في الصور في اي وقت معنى جميل خلي الانسان يعيش يعني حزر حزر يعني ان لم حتى لم تدرك النفح في الصور فان الموت قد يأتيك في اي لحظة. وبالتالي قيامتك انت شخصيا ستقوم - 00:25:56

فالحرز الحزر والبدار فهل تنتظرون الا يعني فقرا منسيا او غنا مطغيا او هرما مفند او مرضا مفسدا او موتا مجها او الدجال فشر غائب ينتظر او الساعة الساعة ادھي وامر. كما قال النبي عليه الصلاة والسلام. فالشاهد يعني ازا الانسان يكتثر من قول حسبنا الله ونعم الوكيل يعني - 00:26:15

ليه ليه حسبنا الله ونعم الوكيل يعني اتوكل على الله في ذلك. يعني من الذي ينجينا يوم ينفح في الصور؟ ومن الذي يلهمنا رشدنا قبل ان ينفح في الصور؟ ليس لنا الا الله سبحانه - 00:26:42

وتعالى. حسبنا الله ونعم الوكيل فادي حسبنا الله ونعم الوكيل لا تقال فقط لعنة الظلم يعني البعض يربطها دائمًا بالظلم اذا لازم اه دى بقولها على الزالم بس لا انت تقولها لكي تستعين بالله في اي شيء. تقول يا رب ليس لي احد يهديني الا انت. حسبنا الله ونعم الوكيل. يا رب ليس لي - 00:26:52

يعني احد يعني ينقذني من ما من احوال يوم القيمة الا انت حسبنا الله ونعم الوكيل. نعم. قال يوم ينفح في وفهمنا النفح في الصوت وآآ يوم ينفح في الصور قال تعالى وتحشر المجرمين يومئذ زرقا زرقا. نسأل الله السلامة والعافية. تحشر المجرمين - 00:27:10

يعني يدل ان ان على مدى الشدة التي يساقون بها. تحشر المجرمين وصف الاجرام يدل على آآ السبب يعني الذي سيحصل لهم به ذلك انهم كانوا مجرمين. زلموا وفجروا وكفروا بالله تعالى. واشد انواع الاجرام هو - 00:27:32

الكفر بالله سبحانه وتعالى لأن بعض الناس يعني يعتقد الاجرام فقط هو في ازاء الناس. وهو في السرقة والقتل والزنا هزا لا شك زلم بلا شك واجرام. لكن اعظم الاجرام على الاطلاق ان يعرض الناس عن القرآن. وان يكفروا بكتاب الله سبحانه وتعالى. فهو حتى وان لم - 00:27:53

وان لم يسرق فهو مجرم لانه فعل اكبر جريمة يبغضها الله سبحانه وتعالى وهي الشرك. ان الشرك لظلم ايه؟ لظلم عظيم. لذلك احنا عشان للأسف اللوسة المادية والسيطرة علينا بعض الناس بقى بالنسبة له الشرك ده مش مشكلة - 00:28:14

هو المجرم بس هو اللي بيظلم هو اللي بيسرق ماشي ما هو ده مجرم طبعا يمكن لو شاف كافر مسلا معرض يصد عن سبيل الله يدعوه الى دينه بيحارب الاسلام لكن هو لا قتل ولا سرق ولا - 00:28:33

هيقول لك لأ ده ناس كويستة ناس محترمة. نسأل الله السلامة والعافية كيف يقال هذا؟ هؤلاء اشد الناس اجراما. ان الذين اجرموا كانوا من الذين امنوا ايه؟ يضحكون. واذا مرروا بهم يتغامزون - 00:28:48

بمجرد سخريته من اهل الایمان مجرد بغضا للایمان هذه من اكبر علامات الاجرام هؤلاء اشد الناس اجراما. طبعا اللي جمع بين بقى الكفر وظلم بقى الناس بالقتل والسرقة هزا اشدتهم على الاطلاق - 00:29:01

اما ازا كان يعني كافر يعني يصد عن سبيل الله حتى وان لم يقتل وان لم يسرق فهذا ايضا مجرم. ثم بعد ذلك تأتي بقى الاجرام اللي هو داخل زيارة الایمان من القتل - 00:29:14

القتل والسرقة وال حاجات ديت. فلازم نفهم المعاني دي. المعاني دي مغيبة الان. الناس الان عندها المعاملة هي اهم حاجة. واما امر العقيدة فيعني مش مشكلة يعني ونحضر المجرمين يومئذ زرقا. ما معنى زرقا - 00:29:24

ركب بقى في الحادة دي. زرقا قيل يعني زرق العيون. يعني عندهم زرقا جدا ازرق كدة انه الزرق فاهم مش العين مش اللون اللي هو اللي بيبيقى في عين الناس دلوقتى اللي هو اللون ده السماوي ده لأ ازرق - 00:29:40

ازرق ما فييش لون عين ازرق في الدنيا يعني. فاهم انت عين الناس بتبقى كده فاتح كده لأ. ده ازرق اللي هو مخيف. شكله مخيف نحضر المجرمين يومئذ زرقا يعني عين - 00:29:59

زرقاء تمام قالوا ما سبب هزه الزرقة قيل انها من شدة ما هم فيه من الاهوال من شدة ما هم فيه من الاهوال ازرقت عيونهم نسأل الله السلامة والعافية فسرت بمعنى اخر وهو معنى مرتبط - 00:30:13

زرقا يعني عطاشه يعني عطشانين يعني. وفسرت زرقا بعطاشه لانه يقال ان العين من لو اشتقد العطش في الانسان يتغير لون العين الى الزرقة انسنة عطشان وفضل عطشان كده ويبيهوم من العطش - 00:30:41

تبتدى عينه نفسها لونها يتغير الى اللون الازرق. والله تعالى اعلم عشان كده بعض السلف فسر زرقا بعطاشه المعنى الثالث اللي ذكروه قالوا زرقا يعني عميا. عميا وبعض العرب تسمى الاعمى ازرق - 00:31:03

يعتبر ان عينه يعني زي مطموسة ما بيسوفش فبتصفها بالزرقة يقال الان الاعمى ازرق. فعندهنا تلات معاني. المعانيين الاولانيين شبه بعض. اللي هو زرق العيون من شدة الاهوال. شبهها عطاشه. لان العطش هو من اهوال يوم القيمة - 00:31:23

كما فازرقت عيونهم بسبب العطش فالقول الاول والثاني بقوا شبه بعض كده. ان هو في النهاية عينه ازرقت من شدة الاهوال. ومن الاهوال العطش تمام القول الثالث ان هو اه اعمى. اه اعمى. بس القولين الاولانيين غير القول الثالث. لان القولين الاولانيين - 00:31:39

معناه ان هو بيشوف لسه بيشوف. القول الثالث ان هو اعمى وهنا برضه يعني وان كان زاهر التفسيرين دولت تعارض بس هو ما فيش تعارض لان احنا بنجد فيه مشاهد يوم القيمة - 00:31:59

ودي مسألة مهمة رکزوا فيها مشاهد يوم القيمة احنا هنحس احيانا ان في تعارض في بعض مشاهد يوم القيمة. يعني ربنا سبحانه وتعالى قال يعني المجرمين قال نحضرهم يوم القيمة على وجوههم. صح؟ عميا - 00:32:14

وبكما وصما. يبقى هو اعمى ابكم اصم. لا بيسمع ولا بيشوف ولا ايه؟ ولا بيتكلم. تمام؟ رغم ان في ايات تانية ربنا قال اسمع بهم وابصر يوم يأتوننا يعني ما اسمعهم وما ابصرهم - 00:32:32

وربنا قال ورأى المجرمون النار فظنوا انهم واقعواها. ربنا قال اذا رأتهم من مكان بعيد سمعوا لها تغيطا وزفير. طب ايه ده بقى؟ يعني هم الناس هيتحشروا امي وابوك وصم ولا اللي سامعين كوييس وبيتكلموا كوييس وبيكلموا ربنا - 00:32:49

وقالوا قالوا والله ربنا ما كنا مشركين. مش كده سبت في ايات انهم بيتكلموا سبت انهم بینشئوا وسبت انهم بيسمعوا. وفي نفس الوقت ايات تانية بتقول لأ هم امي وبكم وصم. هل ده تعارض ولا ما في مشكلة ممكن نجمع الایات دي بكل سهولة؟ اكيد ما فيش تعارض. بس ايه - 00:33:09

الجمع هيكون ازي؟ ان يوم القيمة يوم طويل فيه مشاهد كثيرة. ففي بعض المواقف يبصرون ويسمعون ويتكلمون وفي بعض المواقف يكون امي وابوك ما صم. وكل موقف هيكون له حكمة. يعني ربنا يحضرهم هنا هيخليلهم هنا اعمل سبب. وهنا هيخليله يبصرا لسبب. وهنا يتركه يتكلم وهنا يخرسه - 00:33:28

ولا يتكلم وهكذا. يبقى ما فيش تعارض يعني هي الایات دي ممكن عشان كده زرقا لو حتى اتفسرت مرة ان هو ازرق العين بسبب بسبب شدة الاهواء وهو ببصرا مشكلة لو اتفسرت حتى بالعمى ما فيش مشكلة لان احنا عندنا الحالتين هيحصلوا يوم الایاته؟ يوم القيمة. تمام؟ قال آآ - 00:33:57

ينشر المجرمين يومئذ زرقاء. يتخافتون بينهم الا لبئتم الا عشرة. شف كلمة قوله تعالى يتخافتون بينهم يعني المجرم ده يا جماعة

كان ايه كان بيجهز الدنيا بصوته ما كانش يعني ما حداش يقدر يقف قدامه ما حداش يقدر يعللي صوته عليه ما حداش يقدر يكلمه -

00:34:17

دلوقتني اقصى درجات صوته انه يتخافت. بيكلم اللي جنبه كده بالهمس. مش قادر حتى يرفع صوته. مش قادر يسمع بعد من اللي جنبه يتخافتون بينهم شو حتى لما اتكلموا قالوا ايه ان لبثتم الا عشرة -

00:34:38

يعني بيعاتبوا بعض على ان احنا عملنا كل ده ليه واحد استفدى ايه من كل دوت؟ ده احنا ما قعدناش عشر ايام على بعض قال تعالى نحن اعلم بما يقولون. شف بقى رغم ان هم يتخافون -

00:34:55

ربنا بيبيين قدر علمه. يقول نحن اعلم بما يقولون. رغم التخاطب كل ما قالوه وصل اليانا وسمعناه. سبحان الله! فاحذر يعني اياك ان تزن ان كلامك لا يصل الى الله سبحانه وتعالى. يعلم السر واخفى جل في علاه. نحن اعلم بما يقولون. اذ يقول امثالهم طريقا يعني اووسطهم -

00:35:12

ان لبثتم الا يوم ياه يعني كمان اعداهم واوسطهم طريقة واحسن واحد قال كلمة هو اللي قال لا لا احنا قعدنا يوم واحد يا جماعة.

مش عشر تيام ياه يعني كل الحياة دي عدت على المجرم. انت عارف المجرم ده اللي هو قضاها يعني بالطول وبالعرض. يعني زنا

00:35:32

وشرب ومشوا - وبنات وفواحش وربا وطفيان وعربيات وطيارات وفلوس و مليارات عمل كل ما تتخيله مش شوية المعاصي اللي انت بتعملاها ده عمل

00:35:57

كل ما تتخيله. يعني المفروض ده بيسموه بيقولوا في العرف ده عاش حياته - ده عاش حياته. حياته دي بقى اللي هو عاشها بالطول وبالعرض. هو الان اقصى واحد فيهم اجدع واحد فيهم المعتمد اللي فيه

بيقول احنا يوم واحد يوم ياه وانت داخل على ايه خالدين فيه وسأله لهم يوم القيمة حملنا. عشان كده احنا قلنا يا شباب -

00:36:15

ان دايما الانسان من الحاجات اللي بتھون عليه الطريق الى الله من يرى هزه المشاهد ان اللي عاش حياته كلها شهوات زي ما هو عايز في الاخر شايف كل دوت مش فاكر منه اي حاجة -

00:36:35

لا يرى الا الايم والا الندامة والا الحسرة وكل اللي فات شايفه يوم واحد بل مين هم اللي شايفه ساعة؟ عشان كده ربنا بيقول از يقول امسلكم طريقة لان في واحد دلوقتني قال عشر تيام صح -

00:36:52

لا ده في واحد هيقول ساعة قال ويوم تقوم الساعة يقسم المجرمون ما ليثروا الا عشية او ضحاها. يعني قعدوا نص يوم بالزبط وفي في قوله تعالى قال اللي قال يوم ده اللي في النص -

00:37:07

وفي واحد هيقول نص يوم قال كانهم يوم يرونها لم يلبثوا الا عشية او ضحاها. يعني قعدوا نص يوم بالزبط وفي في قوله تعالى قال كم لبثتم في الارض عدد سنين؟ قالوا ايه -

00:37:21

يوما او بعض يوم فاسأل العاديين. يعني هم فيه واحد بيقول ساعة ساعة تخيل ساعة واقصى واحد اقصى واحد. العشر تيام والوسط اليوم يبقى الدنيا اقصى حاجة هتفتكرها لو خدتتها بالطول والعرض عشر تيام بالزبط -

00:37:40

يبقى انا هنا لما اجي اقول لك اسبتي على حجابك اثباتي على التزامك اثباتي على على دين ربنا وعلى الدعوة. انا مش بقول لك اصبرى ستين سنة ولا تمانين سنة لا -

00:38:10

آآ انا بقول لك اصبرى يوم واحد. اقصى حاجة عشر تيام ما تقدريش تسبتي عشر تيام والله هو يوم واحد بقول لك اسبت على الدعوة. واسبت على تدينك. ما تخافش. ما ترجعش. ما تنهزمش. انا باكلمك في يوم واحد -

00:38:25

دي من الحاجات اللي بتخلி التزامنا سهل يا جماعة ان احنا بنحس ان المهمة بسيطة. ياه بس يوم واحد انت يعني انا امسك نفسى يوم واحد اخش خلود بلا موت في جنة الرحمن؟ اه والله هتشوفها كده -

00:38:42

هو المؤمن هيشفها كده برضو مش الكافر بس. كل الناس هيشفوها كده ويوم نحضرهم كان لم يلبثوا الا ساعة من النهار يتعارفون بينهم كل الناس هتشوفها ساعة موضوع اسرع مما تتخيل. والدنيا اقصر مما تتخيل -

00:38:56

والآخرة اعظم مما تخيل واطول مما تخيل. والصفقة جميلة هتشتغل يوم واحد وتهتكسب به كل حاجة لو لو جبت عامل مسلا
صناعي عندي في البيت قلت له تشتغل عندي يوم - 00:39:13

بس لو اشتغلت من ضمير هديلك مليون جنيه وحركب كاميرات الشقة في كل مكان في الشقة وهشوفك بتعمل ايه لما تضيع وقت
هتخسر شوية فلوس لو عملت حاجة غير اللي انا قلتها آآه عاقيب. لو مش تقدر بقى تحط له شروط عادية - 00:39:28

تخيل الصناعي ده هي عمل ايه اليوم دوت هل حيفتح مسلا يسيب شغله في الشقة والكاميرات شغاله ويفتح مسلسل او فيلم - 00:39:51
السيئة هل هيقدر يكلم بنات في التليفون هل هيسيب شغله في الشقة والكاميرات شغاله ويفتح مسلسل او فيلم - 00:40:12
وانت ايه اللي ما تعملش الحاجات دي هل حي هيسيب شغله وينزل خالص يقدر يلعب هل هيطول في الاكل والشرب؟ هو لازم هيأكل
ويشرب طبعا. هيطول في الاكل والشرب ويضيع وقته. هو يوم - 00:40:27

بيتقاول له مليون جنيه مستحيل طبعا ده لو انا اكل اصلا عشان كده احنا بنشوف السلف كانوا بيستخسروا يأكلوا. كان ممكن واحد
فيهم يسف الاكل عشان ما يضيعش وقت يسف وسف يبلغه. يعصره كده ويبلغه ويخلص - 00:40:27
نفسك. انا عايز اقول يعني فعلا الانسان اللي فعلا حاسس الاحساس ده انا عايزك تحس الاحساس ده. انك انت آآ الصناعي ده
في الشقة وفيه كمان حالات مراقبة وصاحب العمل قال لك والله هو يوم هتشتغله - 00:40:42

ومليون جنيه عيش بقى على كده ان ليثتم الا يوما هتشتغل ازاى؟ هتقطع نفسك شغل. صح هي كده هو ده اللي احنا عايزينه منك.
يوم واحد. ايه رأيك في هتنتفق معى نشتغل يوم - 00:41:00

يوم لله سبحانه وتعالى بس وكل احزاننا تنتهي وكل الامانة تنتهي والحمد لله الذي اذهب عنا الحزن. المجرم اشتغل يوم برضه خد بالك
وتخيل بقى صناعي تاني في شقة تانية وما اشتغلش خالص. ونزل وسابها وبتاع وعمل بتاع وفي الآخر يعني طلع ده شاف دوت -
00:41:16

ياخد المليون جنيه ومروح وال الثاني لقى نفسه بيضرر وبيتحبس وبيتسجن. تخيل كمية الالم ده حاجة دنيوية يعني. او مال بقى في
الآخرة خلود بلا موت فيه في العذاب نسأل الله السلامة والعافية - 00:41:35

ثم قال تعالى ويسألونك عن الجبال عشان كده الآيات اللي فاتت شف ربنا سبحانه وتعالى قال ايه قالوا ليثنا يوما او بعض يوم فاسأل
على الدين. بص العتاب قال ان ليثتم الا قليلا - 00:41:48

لو انكم كنتم تعلمون يعني ما ما كانش مستاهلة ما كنت تشتبه ما مشتغل اليوم ده وخلاص. سبحان الله ثم قال تعالى ويسألونك عن الجبال
فقلى نفسها ربى نسفا. هنا بقى بيتكلم عن مشهد من مشاهد يوم القيمة - 00:42:05

هو ان الله سبحانه وتعالى ينسف هزه الجبال. هزه الجبال الاوتاد التي تسبت الارض. طبعا الكلام هنا على الجبال لأن الجبل الجبل هو
اعزم آآ كيان مادي على زهر الارض - 00:42:22

يعني اكبر حاجة مادية انت بتشوها على ظهر الارض مادية يعني صلبة يعني سيبك من الماء. صلبة الجبل بالنسبة للناس الجبل
يعني ما في شيء اكبر من الجبل. قال انك لن تخرق الارض ولن تبلغ الجبال ايه؟ طولا - 00:42:37

فالسؤال دايما على الجبال يسألونك عن الجبال. هو الجبل ده هيحصل فيه ايه يوم القيمة؟ وكأن يعني لأن الجبل ده حاجة كبيرة
قوية هو ممكن يحصل فيه سم يجib ربنا على اجاية يعني مبهرة - 00:42:55

فقلى نفسها ربى نسفا يعني هذا الجبل الذي ترونوه ضخم وقوى وشديد هذا سيكون اسهل ما يكون على الله سبحانه وتعالى. طبعا
المعلومة دي بتجي لك انت بتتخانق امال انا هيحصل فيها ايه؟ يعني اذا كان الجبل ربنا قادر ان ينسفه نسفا - 00:43:08

فما الظن بمخلوق ضعيف مثلي الله تعالى اقدر علي من قدرتي على الجبل ينسفها ربى نسفا يعني يجعلها اجزاء صغيرة جدا وتسوى
تماما بالارض. وب Russo حنلاقي في القرآن عدة مواضع بتتصف في الجبال. فربنا سبحانه وتعالى في مواضع يصف الجبال بانها -
00:43:26

كتبيا مهيلا وفي مواضع يصفها بانها هباء منبئه وفي مواضع كالعهن المنفوش. وفي مواضع وحملت الارض

والجبال فدكت دكة واحدة ايه ده؟ وفي موضع ينسفها ربى نسفا. طيب هل هناك تعارض بين الموضع دي؟ لا - 00:43:51
الموضع دي بتتصف مراحل مراحل اللي هتحصل في الجبل. ربنا يصف مرة ان هو هيكون كالعهن المنفوش. هيبيان قدامك بأنه زي
الايه؟ الصوف الصوف كده ومرة يصف ان هو كتيبة ما هينا. الكتيبة اللي هو الرملة يعني. الرملة - 00:44:14
الهباء اللي هو عارف الهباءة دي. عارف لما تفتح شباك الشباك الصبح كده ويخش يخش نور كده بسيط للاوضة وتبتدي تشوف جوة
النور ده حاجات صغيرة كده بتمشي في النور - 00:44:30

الواحدة من هذه الاشياء اسمها هباءة طب هو كثيب يعني هيبي رمل ولا هيبي هباء ولا هيبي ايه؟ ما هي دي مراحل. هو
يبيك كل مرحلة بيديك اكتر من اللي قبلها. لغاية ما يصل للهباءة ديت - 00:44:46
يمر بمرحلة ان هو بقى يتكسر ويتحطم وبعد كده يصل لمرحلة الرمال وبعد كده يصل الرملة دي تتفتت لغاية ما تبقى اكبر حبة
فيها هباء. فالاوصاف دي مش تعارض انما هي تكامل ان دوت ده بعديه ده بعديه ده بعديه ده لغاية ما نوصل لمرحلة الالهابات -
00:45:02

سم بعد ذلك تسوي تماما تسير الجبال بقى. ولا يبقى لها اثر ولا معلم. ستنسف تماما ولا يبقى لها اي اثر. قال تعالى قاعا صفصفا. قاعا
صفصفا يعني مستوية. ارض مستوية ليس فيها معلم ولا نبات - 00:45:19
ليس فيها معلم ولا نبات. لا ترى فيها عوجا ولا امتى. يعني ايه عوجا ولا امتع يعني لا ارتفاع ولا انخفاض لا ترى فيها عوجا ولا
امتن يعني لا ترى فيها ارتفاعات ولا ترى فيها انخفاضات. تمام - 00:45:38
فالعوج اللي هو الانخفاض. العوج هو الانخفاض والامن هو الايه؟ هو الارتفاع. فلا ترى فيها عوجا يعني لا ترى فيها انخفاضا ولا امتن
ولا ارتفاعا ولا ارتفاعا. لا ترى في - 00:45:58

ولا امتن ثم قال تعالى يومئذ يتبعون الداعي لا عوج له وخشعـت الاصوات للرحمـن فلا تسمع الا همسـه. يومئذ يتبعون الداعي لا عوج
له. الداعي الذي يدعوهـم آللـحـشـر - 00:46:14
ونحو ذلك آآ حين يؤمرون فيبارروا. فإذا قال لهم يعني ان يأتوا هنا او ان يتقدموا او يتاخروا يستجيبون استجابة سريعة. كما قال
تعالى مهطعين الى الداع في سورة القمر يقول الكافرون هذا يوم عسر - 00:46:34
لكن ما فائدة ان يتبعوا الداعي في هذا اليوم اتباع للداعي في هذا اليوم تباعا اضطراريا وهذا الاتباع لا ينفعه فيا ليتهم اتبعوا الداعي
الذى كان في الدنيا لكان انفع لهم - 00:46:56

الانسان لما يتفكر في هذه الاية والله هذا اعزـم دافعـ ان يستجيبـ الانسان لـدـعـوـة الله وـدـعـوـة الرسـول عـلـيـهـ الصـلـاـةـ وـالـسـلـامـ. لـاـنـهـ انـ
المـجـرـمـينـ يـوـمـ الـقـيـامـةـ يـتـبـعـونـ الدـاعـيـ مـهـطـعـيـنـ إـلـىـ الدـاعـ. يـسـارـعـونـ إـلـىـ الـاجـابـةـ - 00:47:17
ولـكـنـ لـاـ يـنـفـعـهـمـ هـذـاـ وـلـاـ يـعـودـ عـلـيـهـمـ ايـ مـصـلـحةـ وـلـاـ يـخـفـفـ عـنـهـمـ شـيـءـ اـنـهـمـ يـسـتـجـيبـوـنـ الـيـوـمـ وـكـانـ اـقـلـ مـطـلـوبـ مـنـهـمـ فـيـ الدـنـيـاـ
وـاـيـسـرـ لـكـتـهـمـ لـمـ يـفـعـلـوـهـ كـمـ يـأـتـيـ فـيـ الـحـدـيـثـ يـكـلـمـ اللـهـ تـعـالـىـ الـكـافـرـ الـمـخـلـدـ فـيـ النـارـ - 00:47:35
يـقـولـ لـوـ كـانـ لـكـ مـلـءـ الـأـرـضـ ذـهـبـاـ لـوـ كـانـ لـكـ مـلـءـ الـأـرـضـ زـهـبـاـ. اـكـنـتـ تـفـتـدـيـ نـفـسـكـ فـيـقـولـ يـاـ ربـيـ بـلـ نـعـمـ فـيـقـولـ طـلـبـتـ مـنـكـ اـيـسـرـ مـنـ
ذـكـرـ فـيـ بـطـنـ اـمـكـ - 00:47:56

طلـبـتـ مـنـكـ إـلـاـ تـشـرـكـ بـيـ شـيـئـاـ. فـاـبـيـتـ إـلـاـ تـشـرـكـ بـيـ شـوـفـ بـقـىـ الـكـلـامـ يـعـنـيـ الـذـيـ طـلـبـهـ اللـهـ مـنـاـ مـنـ الـاتـبـاعـ فـيـ الدـنـيـاـ اـمـ يـسـيرـ وـلـقـدـ
يـسـرـنـاـ الـقـرـآنـ لـذـكـرـ فـهـلـ مـنـ مـذـكـرـ؟ـ الـدـينـ يـسـرـ - 00:48:17
وـحتـىـ الـحـاجـاتـ الـلـيـ رـبـنـاـ طـلـبـهـ مـنـهـ يـعـيـشـ مـصـلـحـتـنـاـ. يـعـنـيـ اـنـتـ رـبـنـاـ مـاـ اـمـرـنـاـشـ بـحـاجـةـ بـتـضـرـنـاـ. بلـ هـيـ كـمـانـ مـصـلـحـةـ لـنـاـ سـوـاءـ الـأـذـىـ
بـالـخـالـقـ اـحـكـامـ الـطـعـامـ التـوـحـيدـ الـحـجـابـ الـشـرـفـ الـادـبـ الـحـيـاءـ مـاـ هـيـ كـلـمـ حـاجـاتـ كـوـيـسـةـ. يـعـنـيـ هـيـ كـمـانـ خـيـرـ لـنـاـ مـاـ طـلـبـشـ مـنـاـ
حـاجـةـ - 00:48:34

صـعبـةـ فـازـ رـفـضـ الـأـنـسـانـ اـنـ يـتـبـعـ هـذـهـ الـأـمـرـوـرـ السـهـلـةـ الـمـيـسـرـةـ الـمـحـبـبـةـ لـلـأـيـهـ؟ـ النـفـوسـ. فـلـاـ يـلـوـمـنـ الـأـنـفـسـهـ. فـاـنـهـ يـوـمـ الـقـيـامـةـ سـيـتـبـعـ الـأـنـسـانـ
فـيـ الدـاعـيـ لـكـنـ لـاـ يـنـفـعـهـمـ هـذـاـ يـوـمـ الـقـيـامـةـ - 00:48:51

نَسْأَلُ اللَّهَ السَّلَامَةَ وَالْعَافِيَةَ. نَسْأَلُ اللَّهَ أَنْ يَرْزُقَنَا حَسْنَ الاتِّبَاعِ فِي الدِّينِ يَوْمَئِذٍ يَتَبَعُونَ الدَّاعِيَ لَا عُوْجَ لَهُ. مَا مَعْنَى لَا عُوْجَ لَهُ
يَعْنَى، لَا مَعْدُنَ لَهُمْ عِنْ دُعَائِهِ. يَعْنَى، لَا يَوْحَدُ اخْتِيَارَ أَخْرَى - 00:49:05

ليس عندهم اختيار آخر لا عوج له فلا يقدرون ان يزيغوا عن امره او ان ينحرفوا منه فانهم في غاية الاقبال وفي غاية الاستجابة. عشار، كده لا ينفعهم ذلك. لازم ما فيش اختيارات اصلاً. ما فيش اختيار انك تعصي هنا - 00:49:31

لذلك قال تعالى وبعدها وخشت الاصوات للرحمٰن وهذا ايضاً خشوع اضطراري لا يملك احد الا ذلك فلا يتكلم احد يوم القيمة الا بازنه سحانه وتعالى، وخشت الاصوات للرحمٰن فلا تسمعوا الا همسا - 00:49:51

خشعت الاصوات للرحمٰن الله اكْبَر خشعت الاصوات في يوم تتجلى فيه عظمة الرب وتفردء بالملك والحكم ويُزهـر فيه ضعف المجرمين ومدى ذلهم ومسكتهم له تعالى خشـع الاصوات للرحمٰن. هذه الاصوات التي ملأت الدنيا غطـرة وـكـبر - 00:50:15

الآن خشعت للرحمٰن في يوم لا ينفعها الخشوع للرحمٰن خشعت الاصوات للرحمٰن فلا تسمع الا امسح زكر الرحمٰن هنا انهم خشعوا للرحمٰن كيف سيخشعون: لحررته وعظمته وقهره، سبحانه وتعالى، اشعة الاصوات الى عبدالرحمٰن بيان - 00:50:44

درین یک سیستمی بیرونی و محیطی و هری سبک و ملایم است از نظر ایجاد روحیه بیان

انهم يعني كان الاولى بهم ان يطلبوا رحمة الله تعالى بدلا من غضبه. فان رحمته سبقت غضبه ولو طلبوها رحمته لرحموا ولكنهم ابوا الـ
ان يعرضوه خشعت الاصوات للرحمن والرحمن - 00:51:27

سيرحم الكافر بان يعدل معه ولن يظلمه شيئا هنا الرحمة المقصود بها للكافر انه لن يظلم هذا النوع من الرحمة لن يظلم بل سيحاسب بالعرا فرقه غفرانه الشهيد النبى امام ببغضه عذاب الله مثله ابنا الله ائمما مغاربة احمد 00:51:50

بالعدل. فرغم غضب الرب الشديد الذي لم يغصب مثله أبداً. ولن يغضب بعده مثله أبداً إلا أنه لم يظلم أحد - ٥٥:٥١-٥٥

فلن تحمل نفس زنب لم تفعله ولن يحاسب الكافر الا بالعدل هذى من معانى الرحمن لأن الرحمن صفة تشمل المؤمن والكافر. فاما مع الكافر انه يأخذ من صفة الرحمن انه لن يضن. واما مع المؤمن فيأخذ من صفة الرحمن انه يغفر له ويدخل الجنة ويزاد عليه انه -

يعني ينتفع باسم الله الرحيم. وبصفة الله الرحيم. عشان كده ربنا قال في سورة الاحزاب ايه؟ وكان بالمؤمنين رحيمًا فالرحيم صفة فيها رحمة زائدة للمؤمنين. وأما الرحمن فالرحمة العامة التي تشمل المؤمن والكافر. ورحمة الله بالكافر يوم القيمة انه لن ينزلمه شيئاً

00:52:39 -

فلا تسمع الا همسا. ما معنى لا تسمع الا همسا قيل الهمس هنا هو صوت الاقدام وهي تزحف. انت عارف الناس بتزحف كده رجليها
يتعمل صوت كده على الارض.. هو ده الهمس - 00:53:00

القول الثاني ان الهمس والقول الذي كان يقوله المجرمون لبعضهم هو ان ليثتم الا عشرة. هذه الاصوات الخفيفة اللي بتتقال. كل واحد قاعد بعات الـ . حنبه. له عملنا كده؟ واستفدى ايه؟ ما هـ . الدنيا عدت - 00:53:19

وهكذا يومئذ لا تنفع الشفاعة الا من اذن له الرحمن ورضي له قوله يومئذ لا تنفع الشفاعة. الا من اذن له الرحمن ورضي له قوله. اتكلمنا على الشفاعة قما كده، بنا لها بتكلم عن الشفاعة - 00:53:36

كده كلمة الشفاعة معناها اتنبـ: المت معناه واحد الشفـ معناه اتنـ: فلما كانت عمـة الشفـة - 00:53:55

من طرفين سميت شفاعة لأنها بين طرفين. والشفاعة آآ بيها من قبل انها لها فائدة عظيمة. لأن البعض يقول ايه ازمة الشفاعة. طب ما
دنا كده كده طالما نرجع واحد طب ما نرجعه خالص ايه فائدة الشفاعة دعـ 00:54:17

اعنا قلنا الشفاعة لها لها حكمتين آا اساسيتين ولها شرطين ما ما هي حكمة من الشفاعة؟ يعني ليه ربنا يعني يجعل الشفاعة؟ طالما فعلنا هن حمل طالعه من النازع ط بطالعه خارج لـ فائدة الشفاعة؟ الحكمة الاما - 00:54:34

ازهار رحمة الله تعالى بالمشفوع به والحكمة الثانية اظهار قدر الشفاعة. هي من الحكم الاساسية. طبعا حكم ربنا ايه؟ لا تنتهي ان ربنا اطال زيه في الشفاعة من بعد ما ينزل بني اسرائيل وهم يذمرون ربهم في قوله الشفاعة مهابة لامر ربهم

شفيفي قدر النبي عليه الصلوة والسلام مسلا في الشفاعة العظمى التي يعني يعني يقول كل الانبياء فيها نفسى نفي يتراجعون عنها.

فيفيل هو عليه الصلاة والسلام ويتاع حتى سمى ذلك المقام محمود - 12:55:00

لما رينا يزهـر في المقام ان فلان ده نجا بسبـب ان فلان شـفع فيك ياه يقول ده بقـى له مكانـة كبيرة عند رينا اـه هو رينا يريد ان يظهر شـفـاعة هـؤـلاء. طبعـا هـنـاك شـفـاعة للـأـنبـيـاء وشـفـاعة للـمـائـة وشـفـاعة للـصـالـحـين - 00:55:24

في ازهر قدر الشفاء. الامر الثاني ان يزهير للمشفوع انك في الحقيقة كنت لا تستحق وفي الحقيقة لولا رحمة الله تعالى ما نجوت
وانما جعل الله سببا لكي تنجو - 00:55:42

يعنى ارتفاع منزلك في الجنة لكن انت لوحدك هكذا بعملك - 00:55:57

انت لا تستحق ذلك فلتزه رحمة الله تعالى بالمشفوعة. تمام؟ طيب يبقى ديت دي آآآ حكم. بعض الحكم الحاجة الثانية الشرطين بقى ايه هي الشرطين؟ الشرط الاول ان ربنا - 00:56:12

يأذن للشافع ان يشفع. الشرط الثاني ان ربنا يرضي عن المشفوع فيه آآ ربنا يازن للشافع ان يشفع. هو ده يومئذ لا تنفع الشفاعة الا من اذن له الرحمن اذن له الرحمن ورضي له قوله. يأذن الله تعالى للشافع. عشان كده النبي عليه الصلاة والسلام هو نفسه. لما يأتي للشفاعة العزمى لما يقول انا لها انا لها. هيروح يشفع على طول - 00:56:29

لأه طبعا. إنما هيستأزن قال فاسجد تحت العرش فيفتح الله لي من المحامد ما لم يفتحه على أحد قبله. سُمّيَّ قال يا محمد ارفع رأسك. وسل تعطى واسفع تشفع. هو ده الازن - 00:56:51

ورينا على الصراط يا زا الانبياء ان يشفعوا. يقولون يا رب سلم سلم. فيه ناس كانت هتقع ما تقعش ويأذن لبعض المؤمنين ان يدخلوا النار بخر حوا من يعرفون. يقولوا ادخلوا فاخر حوا من تعرفون. فيخرجون خلقا كثيرا. فده من من اشكال الاذن - 00:57:09

فلازم ربنا يأذن الامر الثاني لازم يكون ربنا اكيد راضي عن المشفوع فيه. عشان كده الكافر ما لو شفاعة قال تعالى عنهم فما لنا من شافعين: فما لنا من شافعين - 00:57:25

قال تعالى، يعلم ما بين أيديهم وما خلفهم ولا يحيطون به علمًا. يعلم ما بين أيديهم يعني ما في - 00:57:39

فعلوا في الدنيا وما خلفهم يعني ما يستقبلوننا من امر الایه الاخرة. واما هم لا يحيطون بالله علما. لا يحيطون به علما. وادي مسألة مهمة. اننا وان علمنا شيئاً عن الله فلا نحيط به علما - 00:57:59

الكيف مجهول تمام؟ نعلم ان الله سبحانه وتعالى له يد آلة عين. لكن كيف هي؟ يقول الله تعالى اعلم. لا يحيطون به علمًا. حتى لما المؤمنه: ربهم بوجه القربة - 00:58:26

فانهم لا يحيطون به علما لانه طبعا ربنا هو الكبير سبحانه وتعالى لا يحاط به علما سبحانه وتعالى. يعني انا دلوقتي لو ماسك الموبايل مش شارفة انا اقدر اقرا ايه انا احاط به علما - 00:58:41

شایفه من جميع الجهات والزوايا وكده لكن الله سبحانه وتعالى يرى يوم القيمة لكن لا يحاط به علمًا لا يحاط به ان حتى يوم القيمة
تم ٥٤٣٦٥٩٠٢٠١٩-١٢-٢٠١٩ ٠٥:٥٨:٥٥

يعني ايه لا تدركوا الابصار؟ يعني لا تراه سؤال عشان ده مهم جدا بعض اللي كان بينفي رؤية ربنا تماما حتى يوم القيمة. يقول لك ربنا قال للنبي عليه السلام -

سؤال لا تدركوا الابصار معناها لا ترى ولا لا تحيط به الادراك غير الرؤية. الادراك هو قدر زائد عن الرؤية ولا يقال عن شخص لا يدرك الا إذا كان بيده الفهم - 00:59:20

فهذه الآية تثبت الرؤيا مشددة، إنفها لانه لا يقاوم للشىء الا اذا كان يراه اصلا يقاومه ولكن لا يدركه القوا له

تدركه الابصار يعني تراه ولكن لا تحيط به علما. شفتوا بقى الكلام جميل ازاي؟ ولما بنربط الايات مع بعض ازاي يبقى المعاني احلى -

00:59:34

ثم قال تعالى وعنت الوجوه للحي القيوم يعني وحضرت للرب سبحانه وتعالى الحي الحياة التامة الكاملة التي لا تشبه حياة المخلوقين. القيوم ما معنى قيوم. القيوم معنيين متكاملين. هو باختصار جدا. القائم بنفسه -

00:59:55

المقيم لغيره. تاني القيوم هو القائم بنفسه المقيم لغيره يعني الذي يقوم بنفسه فلا يحتاج الى احد ولا يفتقر الى شيء سبحانه وتعالى. وفي نفس الوقت كل الخلائق فقراء اليه -

01:00:16

فلا يقوم احد الا به. اما هو فيقوم بنفسه واما ما عاده فلا يقوم الا به. سبحانه وتعالى. وعنت الوجوه للحي القيوم. وقد خاب من حمل ظلمها. قاعدة قرآنية جديدة. شف مش كل مرة بنقول قاعدة. ادي قاعدة اهي. زي ما قلنا وقد خاب من افترى. وزي ما قلنا ولا يفلح الساحر حيث اتي فاكرين دي قواعد -

01:00:32

من القواعد وقد خاب من حمل ظلمها كل من حمل زلم فانه سيخيب يوم القيمة سيخيب يوم القيمة. نسأل الله السلامة والعافية. واعزم الزلم كما بینا الشرك بالله. ان الشرك لظلم عظيم -

01:00:56

ثم يلي ذلك الظلم الذي يقع على العباد. الظلم في المال والظلم في النفس والظلم في الاعراض اي حد يا جماعة زلم حد يعني يتحلله اليوم قبل الا يكون درهم ولا دينار. اي زلم تحمله يوم القيمة سيكون لك قدر من هذه الاية. وقد -

01:01:13

من حمل ظلمها لاك المال يتيم لاك الميراث اللي سرق اللي ازى اللي وقع بين الناس كل هزه مزال مسراها الانسان يوم القيمة والظلم زلمات يوم القيمة وهنئنا لمن يعني نام ولم يلزم احد -

01:01:30

وهنئنا لمن مات ولم يلزم احد. تلاقي والله في ناس كده تلاقاهم بعد ما يموت زي كل الناس بتنسني عليه. ايه الثناء اللي الناس بتسأل عليه يقول لك مات وما فيش حد زعلان منه. يعني الناس البسيطة العادية اللي هو لا داعية ولا عالم ولا بتاع. بس تلاقاهم عندهم حسن خواتيم وبتاع. تقدعد تدور -

01:01:47

بيقول لك الرجل ده عمره ما زلم حد. ما زلمش قطة ماشية في الشارع وتلاقي خاتمهم كلها حسنة ان شاء الله بتحسن ان انسان ازا نجا من الزلم اعزم الزلم الشرك نجيت من الشرك سم تنجو من مزال العباد -

01:02:06

ياه تبقى خفيف قوي عارف ليه خفيف لان مشكلتك بقت مع ربنا بس يعني حتى المعاصي بتاعتكم بينك وبين ربنا رحيم اما العباد فلا يرحمون ازا كان هناك حق العبد فان الله سبحانه وتعالى -

01:02:24

العبد يقتضي يوم القيمة وكل واحد يوم القيمة هيبي عايز حسنات. لكن عارف لو انت حتى لك زنب بس زنب بينك وبين ربنا فامرها ايسر. من الزنب الذي بينك وبين العباد -

01:02:41

سبحان الله! عشان كده وقد خاب من حمل ايه؟ زلم من حمل زلم. ثم قال تعالى ومن يعمل من الصالحات وهو مؤمن فلا يخاف شرطين يا جماعة عشان ما تخافش يوم القيمة -

01:02:54

مؤمن من غير ايمان ما فيش اي كلام حتى لو عملت الصالحات. يعني لو الانسان عمل صالحة وهو غير مؤمن تقول هذا لا ينفعه يوم القيمة. انكلمنا عن الموضوع ده كذا مرة قبل كده -

01:03:08

ان احنا لازم نؤكدي او من يعمل صالحة كان عنده بيبني مستشفيات وبيعمل دور ايتام وبيعمل خير -

01:03:20

نقول والله يعني هذا ان نفعه في الدنيا فلن ينفعه في الآخرة قد ينفع انتفع به في الدنيا. ربنا يعطيه مال يعطيه ولد يعطيه جمال يعطيه صيت يعطيه شهرة لكنه لن ينفع بذلك يوم القيمة. لانه فقط شرط اساسي هو شرط الاله؟ الایمان. وكتت ضربت لكم مثال على ذلك اعيده لانه مهم. انك برضه -

01:03:36

نتكلم في ايه؟ في واحد صناعي انت جبت صناعي وقلت له والله انا عايزك تشتبغل في شققتي تشطبها وانا شققتي في الدور السادس. الشقة اللي على اليمين وخليل بالك في الشقة على الشمال ما لكش دعوة بها -

01:03:57

الدور السادس دخل الشقة اللي على الشمال وعمل شغل رانع جدا جدا. انا اسألكم بالله لو جاء يحاسبك الان. هل ستعطيه يعني اجرته
ام لا؟ طبعا ما في احد سيعطيه الاجرة. هذا الانسان - 01:04:10

فما ظنكم بمن اول ما بدأ ببدأ بالكفر بالله تعالى والشرك به. تم عمل داخل ذلك الشرك اعمال طيبة هل يعطيه الله تعالى اجراء؟ انت لا
ترضى بذلك. فكيف ترضى لله بذلك - 01:04:25

وناس يقول لك طب ليه ما يخش الجنة؟ طب ما هو كان بيعمل خير. ربنا ممكن يدخله الجنة. يا اخي اتق الله يا اخي. لما زرت
للله؟ ما لا ترضاه لنفسك - 01:04:40

تلك اذن قسمة ببيزة وعمل في مكان لم يأمره الله تعالى به هو كفر بالله تعالى وبالتالي كل ما يفعله الان ليس له في اجر ولا ثواب
ويوم القيمة ليس له قيمة ولا قدر - 01:04:51

فلا بد من الايمان ثم العمل الصالح. فإذا فعلت ذلك فلا يخاف ظلما ولا هضما. يعني ايه ظلم وهضم بقى الظلم ان انت ان ربنا يحملك
او زار ما عملتهاش ولا تسببت فيها - 01:05:10

الظلم ان ربنا يحمل عليك وزر لم تفعله ولم تتسبب فيه ده ظلم ما تخافش ما فييش ظلم. ولا هضم الهضم ان ربنا يعني يبخسك في
عمل صالح انت عملته. يعني يبقى لك اجر معين في عمل صالح انت عملته تستحق - 01:05:25

ثم لا يعطيك هذا الاجر فده اسمه هضم ان هو ينقصك من حسناتك. نعم لا يخاف ظلم ولا ايه ولا هضم. سم قال تعالى وكذلك انزلناه
قرآننا عربيا وصرفنا فيه من الوعيد. شف بقى بعد اللي احنا شفناه ده كله من اول السورة نرى معنى هزه الاية. صرفنا انه وعنا مم.
نوعنا فيه من الوعيد. ربنا - 01:05:43

تنوع في طرق عرض القضية طرق عرض التوحيد طرق الترغيب والترهيب عشان تناسب الجميع لعلهم يتقدون او يحدث لهم ذكر ما
الفرق بين لعلهم يتقدون او يحدث لهم ذكر؟ دي درجتين. الدرجة العالية لعلهم يتقدون - 01:06:07

يتقى الله سبحانه وتعالى يعني خلاص يعني يلتزم ويستقيم وخلاص يبتعد عن غضب الله او على الاقل يحدث له ذكر يحدس له
ذكر اللي هو يعني انت عملت ايه؟ آآ ذكرته بالله. هو لسه لم يستقم بعد. بس على الاقل - 01:06:24
آآ في حاجة الان بتذكره. ممكن المرة الجاية يستقيم المرة اللي بعدها ودي حاجة بتفيديك في الدعوة الى الله. انا الان ازا دعوت الى
الله سبحانه وتعالى كلمت واحد مش لازم - 01:06:42

يتقى يعني مش لازم اطلع من قدامه تقى. يكفي ان انا احدثت له ايه؟ ذكرى. ممكن واحد ثاني يجي يذكره. واحد تالت يجي يذكره
يحصل يحصل له التقوى كل واحد فيينا كان له دور - 01:06:52

فما تزععش لو انت كلمت واحد ما استجبش ما تقلقش. انت عملت حاجة كويسة وهي انك احدثست فيه ذكرى. فالقرآن يحدس ذكرى
يحدس ذكرى. ويمكن من مرة واحدة يصل الانسان الى الايه؟ التقوى. ثم قال تعالى - 01:07:05

قال الله الملك الحق. ليه جت هنا؟ فتعالى الله الملك الحق. تعالى عن مازا تعال عن الظلم تعالى عن ان يحاسب احد لم تبلغه الرسالة
تعالى عن الهضم. تعالى سبحانه وتعالى عن ان يحاسب الخائق قبل ان ينذرهم. وقبل ان يرسل اليهم الرسل - 01:07:19
و قبل ان ينزل اليهم الكتب وقبل ان يصرف لهم الوعيد. فالله تعالى بالغ في عذر الناس قبل ان يحاسبهم. فتعالى الله ان يظلم احد
عشان كده ما تقدعش بقى تفكير كتير في الموضوع ده واحد طب اللي اتولد كافر زنبه ايه؟ طب طب لو واحد كان مش عارف ايه؟ ما
تشغلش نفسك بالسيناريوهات ديت - 01:07:42

احنا مش هنقدر نستوعب كم العلم الذي عند الله سبحانه وتعالى. لكن تأكد من القواعد ان الله لن يلزم احد وان الله سبحانه وتعالى لن
يحاسب احد حتى تبلغه الحجة التي يفهمها - 01:08:05

وان الله سبحانه وتعالى يعني يحب العذر اكثر منك. وانك ان كان في قلبك رحمة هذه الرحمة جزء من جزء ربنا انزله للخائق كلها.

فما تقلقش. طالما ازا وجدت في قلبك هزه الرحمة فالله تعالى ارحم منك جل في علاه. فلن يظلم احد - 01:08:17

لكن ما تشغلش نفسك بالايه؟ بالتفاصيل مين؟ وازي الامر ده فوق طاقة الانسان. نقول تعالى الله الملك الحق. لن يظلم احد فازا مات

انسان کافر و خلد فی النار فوالله يعني الله تعالى لم يزلمه لا تقلق. هو يستحق ذلك - 01:08:33

لان الله يحب العزز. فيعني لو كان الشخص ده يعني يتحمل العزز والنجاة لنجاه الله سبحانه وتعالى. فتعالى الله الملك الحق. ثم قال تعالى ولا تعجل بالقرآن من قبل ان يقضى اليك وحبيه وقل رب زدني علما. كان النبي عليه الصلاة والسلام ازا نزل جبريل بالقرآن وتلى عليه الايه - 01:08:53

القرآن كان النبي عليه الصلاة والسلام يتتعجل ويقرأ خلف جبريل بسرعة. خشية ان ينسى عليه الصلاة والسلام. عشان كده احنا قلنا ان هو كان بيتلقي بال مشافهة وانك لتلقى القرآن من لدن حكيم علیم. فكان يقرأ بسرعة خشية ان ينسى. فربنا من رحمة الله بالنبي عليه الصلاة والسلام ان جعل له مزية. قال له - 01:09:14

لا ما تقراش ولا تعجل اي حاجة قال تعالى في سورة الاعلى سنقرؤك فلا تنسى مش هتنسى حاجة خالص وقال تعالى لا تحرك به لسانك بتتعجل به. سورة القيامة - 01:09:35

ان علينا جمعه وقرآننا. يعني سنجمعه في صدرك فاذا قرأناه انت المطلوب منك فاتبع قرآنك. وكمان هنفسره لك. ثمان علينا بيانا. هنفسره لك عشان كده ربنا قال له ما تستعجلش. لا تعجل بالقرآن من قبل ان يقضى اليك وحبيك. لما يخلص الوحي هتلاقى نفسك حافظه - 01:09:53

وكل المطلوب منك قل كلمة واحدة بس وقل رب زدني علما وقل رب زدني علما ولم يأمر الله سبحانه وتعالى نبيه صلى الله عليه وسلم ان يزداد في شيء سوى للعلم - 01:10:14

طب العلم ينال الانسان السيادة والشرف والحسنى. بشرط ان يعمل به طبعا. بشرط فهذا واجب نأخذه اليوم ان نكثر جدا من هذا الدعاء. نطلع به شوية احنا طلعننا بربنا اشرح لي صدري ويسر امري طلعننا بكذا دعاء - 01:10:29

من الصورة ديت خد بقى الواجب ده دعاء جديد ممكن نعمل كده كراسة ادعية سورة طه لوحديها دي دنيا لوحدها رب زدني علما. خلاص ده بقى في كل سجاداتنا الان بقى هنلتزم بايه؟ بالدعاء ده نقوله دايما. رب زدني علما. رب زدني علما - 01:10:47
انا مش عايز اطول عليكم نسأل الله سبحانه وتعالى ان يعلمنا واياكم ويزيدنا علما سبحانه وتعالى وان ينفعنا بما علمنا وان يعلمنا ما ينفعنا انه هو العليم حليم الحكيم الكريم سبحانه وتعالى. جزاكم الله خيرا سبحانه اللهم ربنا وبحمدك اشهد ان لا اله الا انت استغفرك واتوب اليك - 01:11:05